

Янги йилни қутлаш

الاحتفال برأس السنة [الكريسمس]

[الأوزبكي -Uzbek -Ўзбекча]

Абдуллоҳ ибн Абдулҳамид Ал-Асарий

2009 - 1430

islamhouse.com

الاحتفال برأس السنة [الكريسمس]

« باللغة الأوزبكية »

عبد الله بن عبد الحميد الأثري

2009 - 1430

islamhouse.com

Янги йилни қутлаш

Муаллиф: Абдуллох ибн Абдулхамид ал-Асарий

Таржимон: Абу Жаъфар ал-Бухорий

Бисмиллахи рохманир рохийм

Аллохга хамду санолар, пайгамбаримизга, унинг оиласи, саҳобалари ва уларга яхшилик билан киёмат кунига қадар эргашган кимсаларга салавот ва саломлар бўлсин.

Сўнг ...

Мусулмон дўстим, Аллох сизга ва бизга раҳм қилсин, билингни, бугунги кундаги мусулмонларнинг бошларига етган катта мусибатлардан бири, уларнинг яҳудий, насроний ва улардан бошқа жаҳаннам ахлидан бўлган кофирларга ўхшашларидир. Уларга расулуллох соллаллоху алайхи ва салламнинг: **«Сизлар ўзларингиздан аввал яшаб ўтган (халқлар) га изма-из эргашасизлар. Хатто заб(қалтакесакка ўхшайдиган бироқ, ундан хажми каттарок бўлган гўшти ейиладиган хайвон) инига кирган бўлсалар, сизлар ҳам кирасизлар»**- деб айтган сўзлари муносиб бўлди.

Расулуллох соллаллоху алайхи ва саллам саҳобаларнинг: **«Ё расулаллох, улар яҳудий ва христианларми?»**- деб берган саволларига: **«Бўлмаса кимлар?»**- деб жавоб бердилар (*Имом Бухорий ва имом Муслим ривоятлари*).

Бошқа бир ривоятда: **«Хатто, улардан бири ўз онасига кўчада жинсий алоқа қилган бўлса, сизлар ҳам шундай қиласизлар»** хадиси ҳам келган (*Саҳих хадис, Хоким ривояти*).

Аллоху акбар! Демак, бу - конундир. Хатто биз, Ислом динига мансуб бўлган кўплаб мусулмонларни кофир бўлган халқлардан ажрата олмай қолдик. Улар бир неча қисмга бўлиндилар.

*** Биринчи қисм: кибрлари, ёки динни таҳкирлаганлари, ёки дунёга берилганлари сабабли Ислом динидан бутунлай воз**

кечиб, ўз хошишларига эргашиб, ишлари расво бўлган одамлар.

Уларнинг сони жуда хам кўп.

*** Иккинчи қисм: Биринчи хижрий аср – саҳобалар ҳаётидаги динни ушлаш ва унда собитқадам бўлишга қувват топа олмаган одамлар.** Чунки расулуллох соллаллоху алайхи ва салламнинг саҳобалари татбиқ этишган Ислом инсондан ўлиш, камалиш, сургун бўлиб яқин қариндошлардан узоклашиш, ҳақ сўзнинг аччиқлигини тотиш қаби фидоийликни талаб қилади. Шунинг учун хам, бу қисмдаги одамлар Ислом дини билан бошқа динларни бирлаштириб, билмаган одамларни хурсанд қилиш учун «модерн» Исломни келтириб чиқардилар... Натижада, оят ва ҳадисларнинг маъноларини бузиб, ўринсиз ерларда истеъмол қилдилар... Бу тоифа хам сон жихатидан жуда хам кўпдир. Шубҳасиз улар расулуллох соллаллоху алайхи ва саллам: **«Йўқ, сизлар у қунда кўп бўласизлар. Селнинг кўпиғи қаби кўп бўласизлар»**- деб айтган қимсалардир (*Имом Аҳмад ривояти, саҳих ҳадис*).

Уларнинг кўплари даъват ва даъват манфаати қаби исломий кўринишларда кўринсалар-да, лекин, расулуллох соллаллоху алайхи ва салламниқидан бошқа турмуш тарзини яшамокдалар. Улар гарчи кўпайиб, дунёни тўлдирсалар-да, Ислом динига галаба насиб қилмас!

*** Учунчи қисм: Аллох таъоло ҳақиқатга ҳидоят ва унда собитқадам қилган одамлар.** Улар бу йўлдан расулуллох соллаллоху алайхи ва салламга Қавсар олдида дуч келгунларига қадар ажралмайдилар ва уни ўзгартмайдилар. Улар расулуллох соллаллоху алайхи ва саллам: **«Умматининг бир тоифаси ҳақиқат узра қолади. Улар ёрдамсиз ташлаб қўйилсалар-да, ўз холларида қоладилар»**- деб хабар берган «ахлул-ҳақ» (ҳақиқат эгалари) ва (нусратга эришувчи) «тоифа» дир (*Имом Муслим ривояти*).

Учунчи қисм Аллох таъоло бизларни хам уларнинг тоифасидан қилсин, зафар қучган тоифадир. Улар қофирларни ўзлари учун тенг кўрмаган, балки, улардан узок бўлган тоифадир. Балки, қофирларнинг биздан ва динимиздан ўрناق олиб, унга эргашишлари улар учун ифтихордир. Чунки иззат ва шараф Аллохниқи, расулиниқи ва барча мусулмонларниқидир.

Биринчи қисм, Аллох бизларни улардан бири бўлиб қолишдан сакласин, зиёнқор, хор, хўр ва афсус чекувчи тоифа бўлиб, агар Аллохга қайтиб, тавба қилиб, иймонларини янгиламасалар, огир ҳаёт кечирадиган, қиёмат қуни кўр бўлиб турғизиладиган ва жаханнамга равона бўладиган тоифадир.

Иккинчи қисм одамларга келсак, биз ушбу рисолаи уларга йўллаб, уларни Аллох таъолога қайтиш, сиддиқлар, шаҳидлар ва солихларга

(улар кандай яхши дўстлардир!) инъом этган тўғри йўлига эргашишга даъват этмокчимиз ҳамда жаханнам ахлининг хохишларига эргашиш ва уларга ўхшашликдан огохлантормокчимиз. Чунки уларнинг аксари кофирларга онгсиз заиф иймонли холатда эргашиб, хакикат ва тўғри йўлни кўрсатиб, унга йўллайдиган одамни топа олмаяптилар.

Энди кофирларга ўхшашнинг биз танлаган кўринишига кайтайлик:
янги йилни кутиб олиш.

Янги йил кечаси Аллох таъоло: **«Аллох Масих ибн Маръямдир»- деб айтган насроний (христиан)лар кофир бўлдилар»** ва **«Аллох учтанинг учунчисидир»- деб айтганлар кофир бўлдилар»- деб** сифатлаган насронийлар ўзларининг бидъат байрамларини кутлаш учун тўпланадилар-да, у кеча Ийсо алайхиссолату вассалом хакида турли нарсаларни уйдирдилар. Ийсо алайхиссолату вассалом уларнинг бу кечада килган хаёсизликлари ва гунохларидан покдир. Уларнинг пайдо килган гунох ва ифтироларининг Ийсо ёки бошка пайгамбарлар, уларга Аллохнинг салавот ва саломлари бўлсин, олиб келган шариатга ҳеч кандай алокаласи йўқдир. Чунки у кечада кўшик, ракс, маст килувчи ичимликларни ичиш ва бундан бошка сон-саноксиз гунохлар коришмаси вужудга келади. Насронийлар: **«Бу ишларнинг барчаси Ийсо алайхиссолату вассаломни ва унинг тугилган кунини хотирлаш учун»- деб** гумон киладилар. Ийсо алайхиссолату вассалом эса уларнинг бу ишларидан безор бўлиб, рози эмасдир.

Энди сизга насронийларнинг Аллох таъолонинг ўгли (Аллох таъоло бундай ифтиролардан покдир) ва Ийсо алайхиссолату вассаломнинг илохлиги хакидаги ботил эътиқодларини баён киламиз-ки, уларнинг бу эътиқодларидан Ийсо алайхиссолату вассалом барча халойик олдида Аллох таъолонинг саволларига жавоб берар экан, ўзини оклайди. Аллох таъоло деди: **«Аллох: «Хой Маръямнинг ўгли Ийсо, сен одамларга: «Мени ва онамни Аллохни кўйиб илох килиб олинглар!»- деб айтдингми?»- деди. (Ийсо алайхиссолату вассалом): «... Мен сени поклайман»- деди».**

Ушбу ифтиро ва сохта эътиқодлардан тоза калб, соғлом хилкат, хатто, Ер, Осмон ва тоғу тошлар ҳам нафратланадилар.

Замондошларимиз ичида яхудий ва насронийларга барча нарсаларда, хатто, куфр байрамларида ҳам эргашаётган ҳамда тараккиёт ва маданият яхудий ва насронийларга барча нарсаларда эргашишдадир, деб гумон килаётган ва ўзини Ислом динига мансуб дея хисоблаётган (Ислом дини улардан бегонадир) жохил мусулмонларнинг холи жуда ҳам ачинарли ва ажойибдир. Чунки уларнинг бу холлари ўз шарафларининг манбаи бўлган динларидан чикканлари сабабдир. Шунинг учун ҳам, уларга камчилик ва

хорлик хукмрон бўлди-да, улар кофирларнинг думига айландилар: ўзларининг дини – Ислом асослари Аллохнинг шариатига зид бўлган барча нарсаларга муҳолиф бўлиш эканини била туриб, кофирлар ортидан кўр-кўрона юрмоқдалар. Мусулмонлар уларнинг конунлари, одатлари, байрамлари, кийинишлари, ейишлари, ичишлари ва хатто кўринишларида ҳам таклид килмоқдалар. Сизга насихатгўйлар оз бўлган замонимизда, динимизни онгли суратда билишимиз учун зикр этган нарсаларимизнинг баъзи намуналарини келтирамиз.

1. Аллох таъоло деди: «Сўнг биз сизни шариат узра кўйдик. Бас, сиз унга эргашинг, билмайдиган кишиларнинг хохишларига эргашманг!» (Жосия: 18).

Шайхулислом ибн Таймийя раҳимахуллох деди: «... Аллох таъоло Мухаммад соллаллоху алайхи ва салламни ўзи тузиб берган шариат узра кўйиб, унга эргашингга буюрди. Айни пайтда билмайдиган одамларнинг хохишларига эргашини таъкиклади. Аллохнинг шариатига муҳолиф бўлган барча одам, «билмайдиган» кишилар сафига киради. «Хохишлари» эса уларнинг хохишлари, мушрикларнинг ботил динлари такозо этган хаёт тарзидир. Мушриклар шунигина истайдилар ва уларга бу ишларда мувофик келиш уларга эргашинг, демакдир. Шунинг учун ҳам, кофирлар мусулмонларнинг баъзи ишларда ўзларига мувофикликларини кўрганларида қувонадилар. Ва мусулмонларни ўзларига мойил қилиш учун кўпроқ қуч сарф қилишни орзу қиладилар» («Иктизоус-сиротил мустакийм ли муҳолафати асхабил-жахийм», доктор Носир ибн Абдулқарим Акл тадқиқи).

2. Аллох таъоло деди: «Сизга илм келганидан сўнг уларнинг хохишларига эргашсангиз, демакки, сиз золимлардан бирисиз» (Бақара: 145).

Аллох таъоло яхудийлар хақида: «Агар сиз илм келганидан сўнг у (яхудий) ларнинг хохишларига эргашар экансиз, ўзингиз учун дўст ва сакловчи топа олмайсиз»- деди (Раъд: 37).

Ибн Касир раҳимахуллох ушбу оят тафсирида: «Ушбу оят, илм ахллариининг пайгамбар суннати ҳамда шу суннатда юрган кишиларнинг йўлларида юрганидан сўнг адашган кимсаларнинг йўлларида эргашган кишилар учун қаттиқ жазо борлигидан хабардир»- деди.

Ибн Таймийя раҳимахуллох: «Ушбу оятдан яхудийларга муҳолиф бўлиш шариатдан экани маълум бўлмоқда»- деди.

3. Аллох таъоло деди; «Хой мўъминлар, «роъино» (бизга боқинг) деманглар, балки, «унзурно» (бизга боқинг) ва эшитинглар, деб

айтанглар. Кофирлар учун аламли азоблар бордир» (*Бакара: 104*).

Ибн Касир рахимахуллох ушбу оят тафсирида шундай деди: **«Аллох таъоло мўмин бандаларига ўз сўзлари ва ишларида кофирларга ўхшашни таъкиклади. Чунки яхудийлар – уларга Аллохнинг лаънати бўлсин – агар: «Бизга кулок сол» демокчи бўлсалар «роъино» дер ва «енгилтаклик» маъносидаги («руъунат» ўзакли) охангни билдирар эдилар...».**

Чунки яхудийлар пайгамбаримиз Мухаммад соллаллоху алайхи ва саллам учун «роъино» сўзини истеъмол килганлари пайт айна шу маънони назарда тутар эдилар. Шунинг учун ҳам, Аллох таъоло мўминларга хатто сўзларда ҳам яхудийларга муҳолиф бўлишни амр этди.

4. Расулulloх соллаллоху алайхи ва саллам: «Ким бир халкка ўхшаса, бас, у улардан биридир»- дедилар (*Абу Довуд «Сунан» да ривоят килди, сахих хадис*).

Ушбу хадисда ҳам мусулмон бўлмаган халкларга ўхшаш учун каттик жазо белгиланмоқда.. Демак, такволи ва солих одамларга ўхшаган кимса, улардан биридир. Яхудий ва насронийларга ўхшаган кимса эса, Аллох сакласин, улардан биридир.. Аллома ибн Касир рахимахуллох ушбу хадиснинг шарҳида шундай дейди: **«Ушбу хадисда мўминларнинг сўзлари, ишлари, кийимлари, ибодатлари ва бизга шариат буюрмаган ва икром бўлмаган нарсаларда кофирларга ўхшашлари таъкикланган»** (*Ибн Касир. Бакара сурасининг 104- оятининг тафсири*).

5. Расулulloх соллаллоху алайхи ва саллам дедилар: «Бошкаларга ўхшаган кимсалар биздан эмасдир. Яхудий ва насронийларга ўхшаманглар! Бас, яхудийларнинг саломи бармоқлар билан, насронийларники эса кафт билан ишора килишдир» (*«Сахикул-Жомеъ»: 5434*).
Аллоху акбар!...

Расулulloх соллаллоху алайхи ва салламнинг суннатларига эргашмаган, унинг суннатларидан воз кечган, балки, суннатларни масхара килган ҳамда кофирлар хаётининг асосини татбик килиб, «Мен расулulloх соллаллоху алайхи ва салламга эргашаман»- деб айтса-да, кофирлар хаётидаги барча нарсаларни, хатто, икир-чикирларни ҳам олиб, уларга калбида хурмат-эҳтиром ва хайратларини яширган кишининг холи нима бўлар экан?!

6. Мухаммад соллаллоху алайхи ва саллам: «Бошкаларнинг суннатлари (йўллари) ни олган киши биздан эмасдир»- дедилар. Демак, Мухаммад соллаллоху алайхи ва салламнинг суннатларини тарк килиб, насроний ва яхудийларнинг суннатларини олган ҳамда пасткаш нарсаларни гўзал нарсалар устига афзал кўрган кишининг,

гарчи Ислом динига мансуб ва мусулмонлар исми билан чакирилсалар-да, Ислом динида ҳеч қандай насибаси йўқдир.

7. Аллоҳ таъоло кофирларга уларнинг ботил одатларида муҳолиф бўлган мўъмин бандаларини мадҳ этди: «... Ёлгон нарсаларга гувоҳ бўлмайдилар. Бехуда нарсалар олдидан магрур туриб ўтиб борадилар» (Фурқон: 72).

Кўплаб муфассир ва салаф олимлари ушбу оятдаги «Ёлгон нарсаларга гувоҳ бўлмайдилар» жумласини: «Улар мушрикларнинг байрамларида иштирок этмайдилар»- деб тафсир қилдилар.

8. Имом Абу Довуд ўзининг «Сунан» ида ишончли ривоятчилар силсиласи билан ривоят қилди: «Бир киши Бувона номли ерда туя сўйишни назр қилди. Мухаммад соллаллоҳу алайҳи ва саллам унга: «У ерда сизгилардан жохилият бутларидан бириси борми?»- деб сўрадилар. Саҳобалар: «Йўқ»- деб жавоб бердилар. Расулulloҳ соллаллоҳу алайҳи ва саллам: «У ерда бутпарастларнинг байрамлари бўлар эдими?»- деб сўрадилар. Саҳобалар: «Йўқ»- деб жавоб бердилар. Расулulloҳ соллаллоҳу алайҳи ва саллам: «Назринга вафо қил! Аллоҳга осий бўлиш учун ёки одам фарзандининг кучи етмайдиган нарсаларда назр қилинса, (ундай назрларга) вафо қилинмайди»- дедилар» (Саҳих ҳадис).

Ҳадисдан мушрикларнинг байрамларига розилик билдириш ва шу байрамларда, Аллоҳга итоат қилиш бўлса-да, ҳозир бўлиш гуноҳ экани маълум бўлмоқда. Чунки Аллоҳга осийлик қилинган ушбу ерларнинг шу мақомига эътироф этиш ифодаланмоқда.

9. Мухаммад соллаллоҳу алайҳи ва саллам: «Хар бир халқнинг ўз байрами бор. Бу кун - бизнинг байрамимиздир»- дедилар (Имом Бухорий ва имом Муслим ривоятлари).

Мухаммад соллаллоҳу алайҳи ва саллам мадина шаҳрига кўчиб келганларида мадиналикларнинг иккита байрами бор эди. Расулulloҳ соллаллоҳу алайҳи ва саллам: «Бу қандай кунлар?»- деб сўрадилар. Мадиналиклар: «Биз жохилият даврида бу кунларда байрам қилар эдик»- дедилар. Расулulloҳ соллаллоҳу алайҳи ва саллам: «Аллоҳ таъоло сизлар учун бу икки кунингизни қурбон ва рамазон байрамларига алиштирди»- дедилар (Абу Довуд: «Сунан», саҳих ҳадис).

Хофиз Заҳабий раҳимаҳуллоҳ ўзининг бебаҳо китоби «Ташаббуҳул-ҳасис би ахлил-ҳамис» (Ҳасиснинг пайшанба ахлларига ўхшаши) да шундай дейди:

«Мухаммад соллаллоҳу алайҳи ва салламнинг ушбу сўзларидан хар бир халқнинг ўзига хос байрами бор экани тушунилмоқда. Зеро, Аллоҳ таъоло: «Уларнинг хар бири учун шариат ва йўл қилиб қўйдик» демоқда. Агар насроний ва яҳудийларнинг ўзларига хос байрамлари бўлар экан, демак, мусулмон уларнинг шариат ва

киблаларида шерик бўлмаганидек, байрамларида ҳам иштирок этмасин. Умар разияллоху анхунинг шартларидан бири, зиммийларнинг байрамларини ошкор килмасликлари эди. Мусулмонлар бу шартга иттифок килдилар. Шундай экан, мусулмон уларнинг малъун анъаналарини ошкор килишга қандай журъат этсин! «Ла хавла ва ла қуввата илла биллахил алиййил азийм» Холбуки. Муҳаммад соллаллоху алайхи ва саллам: «Одамлар гуноҳ ишни кўриб ўзгартмасалар, Аллох уларга ўз жазосини ёппа қилади»- дедилар (Имом Термизий: «Сахихус-Сунан»). ... Аллох номига онд ичиб айтаманки, сен насроний динини улуглашнинг қайси тарафи бўлса қилмоқдасан. Аллох номига онд ичиб айтаманки, сен бу (насроний динининг анъаналари) ни инкор этмасанг, шубҳасиз, унга рози бўлган кимсалардан ёки жохиллардан бири бўлиб қоласан. Аллохдан эса жохилликдан паноҳ сўраймиз. Холбуки, расулуллох соллаллоху алайхи ва саллам: «Бир халққа ўхшаган киши, улардан биридир»- дедилар. Агар бирор киши: «Биз уларга ўхшашни қасд қилмадик» деса, унга: «Уларга байрамлари ёки белгиларида ўхшашлик ёки мувофиқлик харомдир. Бунинг далили расулуллох соллаллоху алайхи ва салламдан ривоят қилинган ушбу саҳих ҳадисдир: «расулуллох соллаллоху алайхи ва саллам Қуёшнинг балқиш ва ботиш пайтларида намоз ўқишни таъқиқладилар ва: «Қуёш Шайтоннинг икки шоҳи ўртасидан чиқади. У пайтда кофирлар Қуёшга сажда қилдилар»- дедилар (Имом Муслим ривояти). Намозхон бу гуноҳни қасдан қилмайди. Чунки бу гуноҳни қасд қилиш қуфрдир. Зеро, кофирларнинг ибодатларига мувофиқлик ва шерик бўлиш харомдир. Бундан ташқари, мусулмон авлодларнинг қуфр байрамларини улардаги қайфу-сафолар, қийинишлар, озик-овкатлар ва бошқа нарсаларга бўлган муҳаббат билан улгайишлари, кофирларга ўхшашлик ортидан келган ғасодлардан биридир. Агар ўз рафикангиз ва ва фарзандларингизни бу байрамлардан тўсмасангиз ва бу байрамларнинг насронийлар байрами бўлиб, мусулмонларнинг иштирок этишлари мумкин эмаслигини тушунтирмасангиз, ёмон мураббийлардан бири бўлиб қоласиз» (27 – 29- бетлар).

10. Шайхулислам ибн Таймийя раҳимахуллох деди: «Аллох таъоло: «Хар бир халқ учун ибодат қилиб қўйдик ва улар ибодат қилдилар»- деб айтганидек, байрамлар ҳам қибла, намоз ва рўза каби шариат, дастур ва ибодатларнинг биридир. Шунинг учун ҳам, байрамларда иштирок этиш билан, бошқа дастурларда иштирок этиш ўртасида фарқ йўқдир. Гайри динларнинг барча байрамларига розилик, қуфрга розилик, демақдир. Бу байрамларнинг баъзи қўринишларига мувофиқлик, қуфрнинг баъзи тармоқларига

мувофикликдир. Балки, байрамлар шариатлар ажралиб турадиган белги ва зохир бўлган анъанадир. Бас, байрамларда кофирларга мувофик бўлиш, куфр шариати ва анъанасининг ўзига хос кўринишларидан биридир. Шубхасиз, бу мувофиклик ўз шартлари билан куфрга олиб боради» («Иктизоус-сиротил мустакийм»: 1/ 471).

Аббон разияллоху анху Умар разияллоху анхунинг: «Аллох душманларининг байрамларидан узок бўлинглар!»- деб айтганини ривоят килди (Байхакий: «ас-Сунанул-Кубро»: 9/ 234). Сўнг ...

Бу масала хакидаги далиллар жуда хам кўп бўлиб, кичик бўлган ушбу рисола уларнинг барчасини ўз ичига ола олмайди. Уларнинг тафсилотини билмокчи бўлган одам шайхулисом ибн Таймийя рахимахуллохнинг «Иктизоус-сиротил-мустакийм ли мухолафати асхабил-жахийм» китобига мурухаат этсин. Бу китоб хакикатан хам ўқишга лойикдир. Бизнинг фикримизча, шу ерга кадар келтирган далилларимиз, ўкувчининг кўп одамларнинг кофирларга ўхшашлари ва расулуллох соллаллоху алайхи ва салламнинг суннатларини тарк килишлари каби залолат ва кингирликларини билиб олиши учун етарлидир.

Бу далилларни янги йил байрамида тўпланиш ва насронийларни: «Байрамингиз муборак бўлсин!» дея янги йил билан табриклаш, кўп мусулмонлар билмай тушиб колган ботил нарсалар экани маълум бўлмокда.

Ахир мусулмон кофирга: «Байрамингиз муборак бўлсин!»- деб кандай айтиши мумкин?! Холбуки, Аллох таъоло кофирнинг жаханнамда мангу колишидан хабарлар берди-ку! Ибн Коййим рахимахуллох «Зиммийларнинг хукмлари» номли китобида шундай деган: «... Аммо кофирларни байрамлари билан табриклаш ва: «Байрамингиз муборак бўлсин!» ёки «Байрамингизни яхши ўтказинг!» ва шу каби тилаклар билдириш харомдир. Буни айтган (мусулмон) куфрдан кутулса-да, харомдан кутула олмайди. Холбуки, бу – кофирнинг хоч (крест) га сизинишини табриклаш, демакдир. Балки, бунинг Аллох таъолонинг хузуридаги кабохати арок ичиш, одамни нохак ўлдириш ва зино каби гунохлардан кўра ёмонрокдир. Бу ишларни динининг мохиятини тушунмаган мусулмонлар килмокдалар ва бир бандани гунох, бидъат ёки куфр билан табриклашнинг накадар вакохат экинини билмаяптилар ва Аллох таъолонинг газаби ва интикомига дуч келмокдалар» (1/ 205, 206).

Мусулмон дўстим, ушбу рисоладан кофирларни байрамлари билан кутлаб табрикнома ва совгалар юбориш ёки олиш мумкин эмаслиги сизга маълум бўлган бўлса керак. Шунинг учун хам, кофирларнинг

байрамларида сизга келган табрикнома ва совгаларни келган ерига кайтаринг. Хусусан, арча дарахтини. Чунки насронийлар Ийсо алайхиссолату вассаломни арча дарахтининг остида тугилган, деб арчани ўзларининг диний рамзлари килиб олганлар. Бундан ташқари, уларга байрамларида куфр, гуноҳ ва диний анъаналарини ўтказишларида ёрдамчи бўладиган барча нарсани сотиш ҳам мумкин эмас.

Ибн Таймийя раҳимахуллох: «Кофирларга диний анъаналарини ўтказишлари учун ёрдамчи бўладиган барча нарсани сотиш мумкин эмас»- деди.

Шунингдек, расмий доиралар ва иш ерларидаги кўп мусулмонлар одатланганидек, янги йил байрами ўтадиган кунларни таътил (хордик) кунлари килиш ҳам мумкин эмасдир. Чунки бундай килиш насроний динининг анъаналарини кўрсатиш ҳамда уларнинг байрамлари ва динларини олқишлаш, демакдир.

Ханафий мазҳабига мансуб шайх мулло Алий ал-Корий раҳимахуллох шундай деди: «Наврўз байрами куни мажусийга бир тухумни совга қилган одам кофир бўлади. Чунки у мажусийнинг куфри ва залолатига ёрдам берди ёки совга бериши билан уларга ўхшади. Баъзилар: «Мусулмон Наврўз байрамида мусулмонга совга берса кофир бўлмайди» демокдалар. Бу сўзга диққат этиш керак. Чунки бу ишда мажусийларга ўхшашлик бордир. Табиийки, қасдсиз (билмай) Наврўз байрамига келиб қолган одамнинг ҳукми фарқлидир».

«Мажмаун-Навазил» китобада шундай дейилган: «Мажусийлар Наврўз байрамида тўпланганида мусулмон: «Қандай яхши йўл топишибди!» деса кофир бўлади, дейилган. Нега? Чунки у Ислом одатларини қабохатга чиқаришни қафолатлаш билан бирга, куфр тузукларини мактамоқда».

«ал-Фатава ас-Сугро» китобида шундай дейилган: «Наврўз куни илгари одатланмаган нарсани Наврўз байрамини улуглаб сотиб олган киши катта гуноҳни қилиб, кофир бўлади. Чунки у кофирларнинг байрамларини улуглади» (Имом Аъзам раҳимахуллохнинг «ал-Фикхул-Ақбар» китобига ёзилган шарҳ: 186). Имом Заҳабий раҳимахуллох деди: «Яҳудий ва насронийлар билан бирга уларнинг байрамларида иштирок этиш учун улар қаби хушбўй шамлар сотиб олиш, таомларни хозирлаш, хотин ва болаларни безаш катта гуноҳлардандир. Холбуки, улар бизнинг қул остидаимизда мағлуб бўлиб, бизнинг байрамларимизда иштирок этмаяптилар, бизларга ўхшамаяптилар ва биз қилган ишларни қилмаяптилар. Хой мусулмон, киёмат кунда пайгамбаримизга қайси юз билан рўбарў бўласиз?! Ахир сиз пайгамбаримиз соллаллоху алайхи ва салламнинг суннатига зид, Ислом динининг душманлари бўлган

адашган кофирларнинг ишларини килмокдасиз-ку! Баъзилар: «Биз бу ишларни кичик ёшдаги болаларимиз ва хотинларимиз учун килмокдамиз-ку?!» десалар, уларга: «Энг расво бўлган одамлар фарзандлари ва хотинларини Аллохнинг газаби келадиган нарсалар билан рози килган кишилардир» дейилади... Абдуллох ибн Амр разияллоху анху деди: «У (мажусий) ларнинг наврўзлари ва байрамларини килган хамда ўлгунига кадар уларга ўхшаб яшаган киши киёмат кунда улар билан бирга тўпланади» (Байхакий ривояти).

Абдуллох ибн Амр разияллоху анхунинг ушбу сўзлари мажусийларнинг байрамларини килиш катта гунохлардан эканини билдирмокда. У ишнинг ози кўпига олиб боради. Мусулмон бу даричани бутунлай беркитиши, рафикаси ва фарзандларини у ишдан нафратлантириши керак. Яхшилик одат бўлса, бидъатлардан сакланиш ибодатдир. Хеч бир кимса: «Фарзандларимни хурсанд килаяпман»- деб айтмасин. Хой мусулмон, нахотки, уларни хурсанд килиш учун Аллохнинг газабини келтирадиган нарсаларни топган бўлсанг! Ахир бу куфр ва тугён белгиси-ку! Сен ёмон мураббий экансан-ку! Бундай десам, сен ўзинг шундай тарбия кўргансан-да! (Ташаббухул хасис би ахлил хамис»: 37).

Шуни хам огохлантиришимиз керак-ки, Аллохнинг душманларига ўхшашнинг энг хунук кўриниши кўплаб мусулмонлар, улар ичида рахбарлар ва уларга итоат этган оддий мусулмонлар хам бор, гайри динларнинг тузган сохта, Аллох таъоло нозил килмаган конун ва дастурларининг колдикларини олиб келишлари, у конунларга ўрталаридаги келишмовчиликларни хал этиш учун мурожаат этишларидир.

Бу – гайри динларга залолат ва кингир ишларида эргашиш ва ўхшашлик, демакдир. Балки, бу, Аллох сакласин, очик куфрдир.

Чунки инсон акли билан харом, харом килган нарсаларни эса халол килади. Номус, кон, жон ва моллар учун Аллох таъоло нозил килмаган ва шариатга зид бўлган хукмлар чикаради. Гайридинларга ўхшашнинг соколларни кириш, гайридинларнинг кийимларини кийиш ва турмуш тарзида ўртак олиш каби кўринишлари хам мусулмонлар ичида кенг ёйилган.

Уларга ўхшашнинг энг ёмони – уларни яхши кўриш хамда мусулмонлар ичидаги такволи ва солих кишиларни ёмон кўришдир... Зеро, Аллох йўлида яхши кўриш, иймоннинг энг мустахкам асосларидан биридир.

Рисоламизнинг сўнггида шуни эслатмокчимиз: Аллох таъоло буюк бир хикмат – жаханнамга тушадиган кофирларга бўлган мухаббат мусулмоннинг калбига кирмаслиги учун уларга ўхшамасликка

буюрди. Чунки улар Аллох таъоло ва барча мусулмонларнинг душманларидир. Ишларда уларга мувофик ёки ўхшаш бўлиш якинлик ва ўрганишни, кейин эса дўстлик ва мухаббатни вужудга келтиради. Холбуки, Аллох таъоло шариатдан юз ўгирган душманларини яхши кўрган кишиларда иймон бўлмаслигини баён килиб деди: «Аллохга ва охират кунига иймон келтирган кишиларнинг Аллох ва расулига душман бўлган кишиларни, гарчи оталари, ўгиллари, огалари ва кариндошлари бўлса-да, дўст тутганларини кўрмайсиз...» (Мужодада: 22).

Аллох таъолодан бизларни Аллох яхши кўрган кишиларни яхши кўриб, дўст хисоблаш, Аллох ёмон кўрган кишиларни эса ёмон кўриш ва душман хисоблашга муваффақ килишини сўраймиз. Аллох

яхши дўст ва яхши ёрдамчидир...

Илохим, етказдикми?.. Илохим, ўзинг гувоҳ бўл!..

